



বাংলাদেশ কড়চা - ১

ডঃ মোহাম্মদ আবদুর রায়ক

১

বাংলাদেশে ঘটছে যা সব এখন,
কিছুটা তার বুঝি। তবে ধন্দে পড়ি তখন
যখন দেখি চোর, চাঁদাবাজ হাজতে জেরবার,
বুক চিতিয়ে ঘোরে খুনী ‘মহিত্যা রাজাকার’।

২

বি এন পি কি? বাংগালী নয় পাকিস্তানী পাটি,
তাই বুঝি এর রাজনীতিটা এমন তরো ডার্ট?
এদের দলের প্রধান এবং তাহার পরিবার,
ভাই, ভাগনা, সবাই দেখছি কঠিন কুলাংগার।
বিত্ত-বেসাত, অর্থ কড়ি সবই তাদের চাই,
মানুষ মরক, দেশ ডুবে যাক, চিন্তা কিছু নাই।
তাদের দলের মন্ত্রী, নেতা, চামচা, চাটার দল,
চাঁদাবাজ আর সন্ত্রাসী, সব মানুষ মারার কল।
তারেক, মামুন, সাকা, বাবর, ফালু, পটল আর
ব্যানা হৃদা, কোকো, আমান, লবীর এ কারবার
এমনি করে ধ্বংস হবে ভাবছিল কি তারা?
আল্লাহ তায়ালার বিচার, এ যে মহাকালের ধারা।

৩

পৌনে পাঁচশো বছর আগে মুঘল বাদশাহ বাবর
'বাবরনামায' কেটেছিলেন তার জীবনের জাবর।
বাংলাদেশে আরেক বাবর বসে জেল হাজতে
লিখেন নতুন বাবরনামা পুলিশ হেফাজতে।
করেননি কি এই মহাজন? কোন সে সর্বনাশ?
চোরা কারবার, চাঁদাবাজী, মাস্তানী, সন্ত্রাস,
অস্ত্র পাঁচার, খুন খারাবী, খুনীর মদদ দান,
উদোরপিণ্ডি বুধোর ঘাড়ে চাপায় এ শয়তান।
বলছে বাবর, প্রধান মন্ত্রী এবং তাহার ছেলে
(চোরের সাথে বসত যাহার এখন ঢাকার জেলে)
মনিব তাহার। হুকুম পালন করতো বাবর তাদের,
নামেই ছিল মন্ত্রী সে যে স্বরাষ্ট্র মন্ত্রকের!

৪

আওয়ামী জীগ প্রধান বলেন তিনি দুধের ধোয়া;
তাহার দলের নেতারা সব খায় মুড়ি আর মোয়া।
তারা সবাই সৎ ও গরীব, ধোয়া তুলসী পাতা;
ত্যাগী তারা, জীবন তাদের খাতার সাদা পাতা।
তবে কেন নাসিম, জলিল, মখা আলমগীর,
মিন্টু, সেলিম, জাফরুল্লাহ, ওবায়েদ কাদির
জেল হাজতে? কেন তারা গাইছে তিন্ন গান?
কেন তারা নেতার সাথে মিলাচ্ছে না তান?

বাংলাদেশের বনের রাজা গণি,
 চোরের রাজা, ডাকাত শিরোমনি,
 তোষক, বালিস, চালের ছালা
 গ্যারেজ, দেরাজ, খাটের তলা
 তাহার বাসার সবখানেতেই সোনা দানা, টাকা;
 গণি মিয়ার ঠিকানা কি? সেন্ট্রাল জেল, ঢাকা।

সিডনী, ৮ই মে, ২০০৭

ড: মোঃ আবদুর রায়ক অঞ্চলিয়ার বিখ্যাত এন. এস. ড্রিউ বিশ্ববিদ্যালয়ের একজন প্রবীন
 শিক্ষক। শিক্ষকতার পাশাপাশি তিনি অবসরে কবিতা, ছড়া ও সমসাময়িক প্রবন্ধ লেখালেখি করেন।
 তার আগের লেখাগুলো পড়তে এখানে **টোকা মারুন**।